

Nkombo ya Nkolo na biso Yesu Klisto epambolama.

Boyei malamumu na boyekoli na biso ya mikanda ya Biblia. Tosili koyekola mikanda mingi ya ebandeli, mpe soki otángá yango naino te mpe olingi kotángá, okoki kozonga na eteni ya liboso ya boyekoli.

Lelo tokokende liboso lisusu na kotala mokanda moko ya ntina mingi: Mokanda ya Yobo.

---

## MOKANDA YA YOBO

Mokanda ya Yobo ezali mokanda ya kala koleka mikanda nyonso ya Biblia. Ekómamaki liboso ya Mokanda ya Ebandeli (Genese). Mokanda ya Ebandeli ekómamaki na mosakoli Moyize, mpe na bokambi ya Nzambe, ye moko nde asangisaki mpe akómaki lisolo ya Yobo.

Elingi koloba te ete Moyize azalaki na bomoi na tango Yobo azalaki kobika. Te. Yobo abikaki bambula mingi liboso Moyize abotama. Makambo nyonso oyo Yobo alekaki ekomamaki na Yobo ye moko mpe na bato oyo bazalaki pene na ye — baninga mpe bandeko na ye. Na nsima ya liwa na ye, lisolo ya bomoi na ye etikalaki, kasi ezalaki na molongo malamumu te. Tango Moyize ayaki

na sima ya bambula mingi, Nzambe akambaki ye mpo asangisa makambo nyonso mpe akoma yango na lolenge ya mokanda. Boye nde mokanda ya Yobo oyo totángaka lelo ebimaki.

---

Yobo azalaki nani?

Mokanda ya Yobo ebandi na kolakisa bomoi na ye mpe boyokani na ye na Nzambe.

Yobo abotamaki na mokili ya Usi, oyo lelo ezali na ngámbo ya sudi ya mokili ya Yordani.

Yobo abikaki liboso ya Abalayama, yango wana azalaki Moyisraele te. Kasi ayebaki Nzambe ya solo, Nzambe ya likoló mpe ya mabele, mpe azalaki kobanga Ye, kolanda mateya ya bankoko na ye banda na Noa.

---

Mokanda ya Yobo ekabwani na biteni minene minei

1. Eteni ya liboso (mikapo 1-2)

Eteni oyo elobeli bomoi ya Yobo mpe komekama na ye. Biblia elobeli ete azalaki moto ya sembo, azangaki mabe mpe azalaki kobanga Nzambe.

Mikapo oyo mibale epesi biso elilingi ya makambo oyo esalemaka na mokili ya molimo. Emonisi ete tango tozali kobika bomoi na biso awa na mabele, moto moko azali kofunda biso liboso ya Nzambe — ye nde Satana, oyo azali ntina ya mimekano mingi oyo tolekelaka.

---

2. Eteni ya mibale (mikapo 3-38)

Awa ezali masolo mpe tembe kati na Yobo mpe baninga na ye misato:

- Elifazi
- Bildade
- Sofari

Bazalaki baninga na ye ya kala mpe bazalaki komona lokola bato ya bwanya. Tango bayokaki mpasi oyo ekweyelaki Yobo, bayaki kobondisa ye.

Kasi batyaki likanisi ya mabe: bandimaki ete mpasi nyonso ya Yobo eutaki kaka mpo asalaki lisumu moko ya kobombama. Bayebaki te ete bitumba ya molimo ezalaki kosalema na likoló.

Bazalaki koloba: □ “Túbá masumu na yo!”

Yobo azalaki koloba ete asalaki mabe te, kasi bandimaki ye te. Boye masolo ekómaki molai mingi. Na nsuka, elenge moko na nkombo Elihu ayaki mpe alobaki makanisi na ye.

Bango nyonso bazalaki koloba kozanga koyeba ete Nzambe azalaki koyoka bango nyonso.

---

3. Eteni ya misato (mikapo 39-41)

Na nsuka, Nzambe ayanolaki Yobo kati na mopepe makasi (ekumbaki lokola kipupu).

□ Yobo 38:1-2 (Mokanda na Bomoi)

*“Bongo Yawe ayanolaki Yobo kati na mopepe makasi mpe alobaki:*

*‘Nani oyo azali kobulunganisa mabongisi na ngai na maloba ezangi boyebi?’”*

Nzambe abandaki kotuna Yobo mituna mingi mpo amonisa ete moto moko te akoki kososola misala na Nzambe.

□ Yobo 38:4-5 (Mokanda na Bomoi)

*“Ozala wapi tango natongaki miboko ya mokili? Loba soki ozali na mayele.  
Nani atiyaki ndelo na yango?”*

Mituna yango ezalaki na eyano te, mpo emonisaki monene ya Nzambe mpe malembe ya moto.

---

4. Eteni ya minei (mokapo 42)

Na nsima ya mituna yango, Yobo amikitisi mpe abongoli motema.

□ Yobo 42:1-6 (Mokanda na Bomoi)

*“Nayebi ete okoki kosala makambo nyonso... Nalobaki makambo oyo nasosolaki te... Yango wana namoni soni mpe*

*nabongoli motema kati na putulu mpe mputulu ya moto.”*

Na nsima, Nzambe asilikaki na baninga misato ya Yobo mpo balobaki makambo ya sembo te mpo na Ye.

□ Yobo 42:7-9 (Mokanda na Bomoi)

Nzambe alobaki ete balobaki malamumu te lokola Yobo, mpe asengaki bango bápesa mbeka mpe Yobo abondela mpo na bango.

Nzambe ayokaki libondeli ya Yobo.

Na nsuka, Nzambe apambolaki Yobo lisusu mpe apesaki ye mbano mbala mibale koleka oyo azalaki na yango liboso.

---

Mateya oyo tozwaka na Mokanda ya Yobo

1. Kobanga Nzambe mpe kokima mabe lokola Yobo.
2. Koyika mpiko na tango ya mimekano.

□ Yakobo 5:11 (Mokanda na Bomoi)

*“Biso tozali kobenga bapambolami bato oyo bayikaki mpiko... bomoni ndenge Nkolo asukisaki makambo na ye na mawa mpe ngolu.”*

3. Kobika bomoi ya peto, mpo Satana afundaka bato liboso ya Nzambe tango nyonso.

4. Kokima tembe ya lingomba.

Ata soki oyebi solo, kolongola tembe ya makasi ezali bwanya te.

5. Mpasi ya moto ya sembo elakisi te ete Nzambe asundoli ye.

6. Kobondela mpo na baninga mpe banguna na biso.

□ Yobo 42:10 (Mokanda na Bomoi)

*“Yawe azongisaki bomoi ya Yobo tango abondelaki mpo na baninga na ye; mpe apesaki ye mbano mbala mibale.”*

---

□ Luka 6:27–28 (Mokanda na Bomoi)

*“Bolinga banguna na bino, bosalela malamumu bato oyo bayinaka bino... bobondela mpo na bato oyo banyokolaka bino.”*

---

Libenga

Ozali déjà kobika na Yesu? Soki naino te, ozali kozela nini? Klisto azali koya lisusu. Soki ayei lelo, okozala wapi?

Tika bomoi ya lisumu mpe yambá Yesu lelo, mpo moto ayebi te makambo ya mokolo oyo ekoya.

Soki olingi kobongola motema mpe koyamba Klisto, sala yango sikoyo.

---

Kobosanaka te kolanda biteni oyo ekolanda ya boyekoli oyo.

Nkolo apambola yo. ☐☐

Share on:  
WhatsApp